


出家緣經
阿含正行經
十八泥犁經
信受塵經

三百三

無六

18 Feb 77



四經同卷六

出家緣經

阿含正行經

十八泥犁經

法受塵經

佛說出家緣經

後漢沙門安世高譯

如是我聞一時婆伽婆在王舍城耆闍崛山

與大比丘僧俱千二百五十是時難提優婆

塞與五百優婆塞出王舍城上耆闍崛山往

詣佛所頭面禮足長跪叉手問佛大德願聞

優婆塞五戒毀犯正戒有何惡事佛答難提

無



優婆塞楚害生命有十惡事何等十現世常
懷害心後世毒心隆赫恒被痛害怨怨不息
人不喜見思慮多惡見者怖懼眠不安寐夢
則惶怖覺則驚悸死時狂勃種短命栽身壞
命終生地獄中設得爲人多病少命是爲十
惡事偷劫他財有十惡事何等十貪饕深重
恒爲衆疑能興重惡行則非時動則非法親
友惡逆賢良踈遠敗戒果敢常懼王伺須財
市命種遺寶物貧弊之業身壞命終生地獄
中設得爲人飢寒困苦致財良難雖獲少財
五事共之王賊水火及惡妻子今乃藏埋會
亦當失是爲十惡事邪姪有十惡事何等十

常爲其夫伺捕楚毒室家不和善法消竭不
善日增危敗軀身不檢其妻不守財賄常爲
人疑宗親不信種業如是門不貞潔身壞命
終生地獄中設得爲女非獨一主設得爲男
馳騁邪姪自失其妻是十惡事妄語中有十
惡事何等十口常臭爛善神背叛凶鬼易陵
實言流世衆所不信俗爲重事不在言議未
有實事惡名遠聞爲人輕毀不起恭肅雖言
有實人不奉用多懷愁怖種誹謗業身死命
終生地獄中設得爲人常被誹謗是十惡事
飲酒有三十五惡何等三十五散盡財賄致
衆苦患怨諍增重裸露形軀惡名遐迹慧明

日減應得不得已得便失顯揚惡事要務頓
廢憂感之本恍忽變沒顏白鄙惡輕慢尊長
不知供養沙門婆羅門自於室家不辨尊卑
不宗敬佛不崇大法不敬事僧返親惡人遠
離明能崩墜邪道無慙愧心不護根門昏荒
姪欲衆所不愛人不喜見德士宿舊咸來咎
責集造衆惡要用之勢不豫識任智德隱避
像類不別去泥洹遠種狂惑業身死命終生
地獄中設得爲人愚癡頑瞶是時難提優婆
塞及五百清信士諸天世人四輩之衆聞佛
所說畢命受持頭面遶竟踊悅而去

佛說出家緣經



佛說阿含正行經

後漢沙門安世高譯

聞如是一時佛在舍衛國祇樹給孤獨園是
時佛告諸比丘言我為汝說經上語亦善中
語亦善下語亦善說度世之道正心為本聽
我言使後世傳行之諸比丘又手受教佛言
人身中有五賊牽人入惡道何等五賊一者
色二者痛癢三者思想四者生死五者識是
五者人所常念佛言人常為目所欺為耳所
欺為鼻所欺為口所欺為身所欺目但能見

不能聞耳但能聞不能見鼻但能知香不能
聞口但能知味不能知香身體但能知寒溫
不能知味是五者皆屬心心爲本佛言諸比
丘欲求道者當端汝心從癡但墮十二因緣
便有生死何等十二一者本爲癡二者行三
者識四者字五者六入六者裁七者痛八者
愛九者受十者有十一者生十二者死施行
善者復爲人施行惡者死入地獄餓鬼畜生
中佛坐思念人癡故有生死何等爲癡本從
癡中來今生爲人復癡心不解目不開不知
死當所趣向見佛不問見經不讀見沙門不
承事不信道德見父母不敬不念世間苦不

知泥犁中考治劇是名爲癡故有生死不止
生死如呼吸間脆不過於人命人身中有三
事身死識去心去意去是三者常相追逐施
行惡者死入泥犁餓鬼畜生鬼神中施行善
者亦有三相追逐或生天上或生人中墮是
五道中者皆生心不端故佛告諸比丘皆端
汝心端汝目端汝耳端汝鼻端汝口端汝身
端汝意身體當斷於土塊神當不復入泥犁
餓鬼畜生鬼神中視人家有惡子爲吏所取皆
坐心不端故人身有百字如車有百字人多
貪好怒不思惟身中事死入泥犁中悔無所
復及佛言我身棄國捐遮迦越王憂斷生死

欲度世間人使得泥洹道第一精進者即得
阿羅漢道第二精進者自致阿那含道第三
精進者得斯陀含道第四精進者得須陀洹
道雖不能大精進者當持五戒一不殺二不
盜三不兩舌四不婬姝五不飲酒佛言人坐
起常當思念是四事何等四一者自觀身觀
他人身二者自觀痛癢觀他人痛癢三者自
觀意觀他人意四者自觀法觀他人法內復
欲亂者心小自端視身體飽亦極飢亦極住
亦極坐亦極行亦極寒亦極熱亦極卧亦極
卧欲來時當自驚起坐坐不端者當起立立
不端者當經行心儻不端者當自政譬如國

王將兵出闔健者在前既在前鄙復却適却
著後人沙門既棄家去妻子除鬚髮作沙門
雖一世苦後長得解脫已得道者內獨歡喜
視弟妻如視姉弟視子如知識無貪愛之心
常慈哀十方諸天人民泥犁餓鬼畜生蝮飛
蠕動之類皆使富貴安隱度脫得涅槃之道
見地垂當以慈心傷哀之知生不復癡能有
是意常念師事佛如人念父母如獄中有死
罪囚有賢者往請囚囚點慧常念賢者恩比
丘已得道常念佛如是念經如人念飯食佛
言諸比丘轉相承事如弟事兄中有癡者當
問慧者展轉相教問慧者如冥中有燈火無

得陰構作惡無得諍訟見金銀當如視土無
得妄證人入罪法無得傳人惡言轉相鬪語
言無得中傷人意不聞莫言聞不見莫言見
行道常當低頭視地垂無得蹈殺無得貪人
婦女無得形相人婦女坐自思惟去貪愛之
心乃得爲道耳佛言欲求道者當於空閑處
坐自呼吸其喘息知息短長息不報形體皆
極閉氣不息形體亦極分別自思惟形體誰
作者心當觀外亦當觀內自思惟懽然與人
有異心當是時不用天下珍寶心稍欲隨正
道意復欲小動者當攝止即還守意即爲還
譬言如人有鏡不明不見形磨去其垢即自見

形人已去貪姪瞋恚愚癡譬如磨鏡諦思惟
天下皆無有堅固亦無有常佛告諸比丘持
心當如四方石石在中庭雨墮亦不能壞日
炙亦不能消風吹亦不能起持心常如石佛
告諸比丘天下人心如流水中有草木各自
流去不相顧望前者亦不顧後後者亦不顧
前草木流行各自如故人心亦如是一念來
一念去如草木前後不相顧望於天上天下
無所復樂寄居天地間棄身不復生道成乃
知師恩見師者即承事不見師即思念其教
誡如人念父母意定乃能有一心便有哀天
下人民蚰飛蠕動之類坐自笑我已脫身於

天下及五道一者天道二者人道三者餓鬼
道四者畜生道五者泥犁道得阿羅漢者欲
飛行變化即能身中出水火即能出無間入
無孔亦能離世間苦取泥洹道亦能佛告諸
比丘道不可不作經不可不讀佛說經已五
百沙門皆得阿羅漢諸沙門皆起前以頭面
著地為佛作禮

佛說阿含正行經

佛說十八泥犁經

後漢沙門安世高譯

佛言人生見日少不見日多善惡之變不相



類侮父母犯天子死入犁泥中有深淺大泥
犁有八寒泥犁有十入地半以下火泥犁天
地際者寒泥犁有前惡後爲善不入泥犁殺
人盜人欺犯人妻欲使人死望得其財物垢
且賊好爲不善怒罵人榜笞繫人喜告彰人
過失嫉妬言恐所使怒發鬪逆天地鬼神
之類殊失壽死下入惡泥犁中後復變爲善有
不入泥犁中者知佛道變雖入泥犁中必當
上天本善者上泥洹故曰佛道不可不知小
人不變爲善入泥犁中無樂入泥犁復不善
入泥犁益深其類有得爲人疾雖剛惡不殺
好生爲人疾不食肉者爲益疾有陰德益壽

且疾

第一犁名曰先就乎而是人言起無死人居此犁中相見即欲鬪乎中無兵而自有兵相傷殺無歲數又不死有人來語起不死以風來吹即愈如是無歲數以復持熱鐵劍相傷殺以復用鐵椎相殺以手拳極利相傷又久無歲數是其類其人長大壽人間三千七百五十歲為一日三十日為一月十二月為一歲萬歲為人間百三十五億歲

第二犁名居盧倅略居盧倅略一苦當先就乎二十如人言繩而鬪之人居此犁者置大火中赤輒出鬪之以復內火中赤復出數行

闢之久久無歲數復燒之出而闢之以爲方
圓能不死而復生無歲數以復走火中無歲
數是其類也其人長且大壽人間七千五百
歲爲一日三十日爲一月十二月爲一歲二
萬歲爲人間二百七十億萬歲

第三犂名桑居都桑居都一苦當居盧倅略
二十而人言捶殺人居此犂者在火中以熱
不可言左右顧見山山間如樂狀走往入其
間山盡來壓之又不死無歲數以復置火中
亦復出之無歲數其人長大壽人間萬五千
歲爲一日三十日爲一月十二月爲一歲壽
四萬歲爲人間五百四十億歲

第四犁名曰樓樓一苦當桑居都二十而人
言樂之人居此犁城甚大其中復有小城人
從外見之中盡有重天人盡入其中赤如燒
鐵以復內城中大熱不可言其身肌盡爛無
歲數不得息不得卧肌骨盡焦以復生無歲
數是其類其人長大壽人間三萬歲為一日
三十日為一月十二月為一歲壽八萬歲為
人間千八百億歲

第五犁名曰旁卒旁卒一苦當樓二十而
人言爛煮之人居此犁者而坑大深谷滿其
中火守犁者用鐵杖捶而內其中燒焦人身
盡焦無歲數又不死積燒而不死而抱火著

人身死出一谷復入一谷如是無數是其類
其人長且大壽人間六萬歲爲一日三十日
爲一月十二月爲一歲壽十六萬歲爲人間
二千一百六十億歲

第六犁名曰草烏卑次草烏卑次一苦當旁
卒二十而人言焯熱之人居此者城高二千
里廣四千里火滿其中置人其中復以鐵覆
之無歲數如是不得息言不得卧無歲數焯
以復焯是其類其人長且大壽人間十二萬
歲爲一日三十日爲一月十二月爲一歲壽
三十二萬歲爲人間四千三百二十億萬歲
第七犁名都意難且都意難且一苦當草烏

卑次二十如人言燒炙之與蠱人居此犁中者大積火如大鐵貫人而內之無歲數時一門開人盡往欲出門門復閉復墮火中無歲數以復見一門開人盡走求欲出既得出門又復墮汗泥中汗泥中有龟哈又不得出無歲數是其類其人長且大壽人間二十四萬歲爲一日三十日爲一月十二月爲一歲壽六十四萬歲爲人間八千六百四十億歲第八犁名曰不盧都般呼不盧都般呼一苦當都意難且二十如人言大苦熟之居此犁中地盡有火卒人當在火中炮且炙貫且立卧杖不得去不得息爛且焦以復生無歲數

其苦万倍於他犁之苦苦不可言是其類其
人長且大壽人間四十八万歲爲一日三十
日爲一月十二月爲一歲壽百二十八万歲
爲人間万七千二百八十億歲

佛言火犁八以惡多深且遲惡少淺且易犁
者譬如人拘於狴牢爲囚徒報作於遠所死
於野家室半道若墮水與此生不得道至其
死入犁即苦苦不可言久久得出所謂寒犁
在天際間有大山高二千里生蔽風名山于
雀盧山冥無日月所不及逮有蔽太山故冥
外有日月之王甚多無益數寒犁中
第九犁名曰烏竟都烏竟都一苦當不虛都

般呼二十如人言暴而起之人居此犁寒不可
言無歲數身盡凍數數暴而甘在火中有聲
以復爲之其折半如弩發折以復續其分以
大石繫大嬰痛不可言以復不死其靡如鐵
碓以復碓其足逼一身乃止如此無歲數如
痛苦不可言其人長且大壽芥種百二十八
斛百歲去一實芥種盡壽未盡如是未能爲
万分持一是其類如佛道者出疾人盡爲惡
如夜無所犯其人入犁盡夜苦爲惡盡無所
犯者夜不樂不可言故佛道不可不聞知
第十犁名曰泥盧都泥盧都一苦當烏竟都
二十其人長且大壽芥種二百五十六斛百

歲去一實芥種盡壽未盡

第十一犁名曰烏略烏略一苦當泥盧都二十其人長且大壽芥種五百一十二斛百歲去一實芥種盡壽未盡

第十二犁名曰烏滿烏滿一苦當烏略二十其人長且大壽芥種千二十四斛百歲去一實芥種盡壽未盡

第十三犁名曰烏藉烏藉一苦當烏滿二十其人長且大壽芥種二千四十八斛百歲去一實芥種盡壽未盡

第十四犁名曰烏呼嗚呼一苦當烏藉二十其人長且大壽芥種四千九十六斛百歲去

一實芥種盡壽未盡

第十五犁名曰須健渠須健渠一苦當烏呼
二十其人長且大壽芥種八千一百九十二
斛百歲去一實芥種盡壽未盡

第十六犁名曰末頭乾直呼末頭乾直呼一
苦當須健渠二十其人長且大壽芥種一萬
六千三百八十四斛百歲去一實芥種盡壽
未盡

第十七犁名曰區逋塗區逋塗一苦當末頭
乾直呼二十其人長且大壽芥種三萬二千
七百六十八斛百歲去一實芥種盡壽未盡
第十八犁名曰沉莫沉莫一苦當區逋塗二

十其人長且大壽芥種六万五千五百三十
六斛百歲去一實芥種盡壽未盡大寒且苦
不可言不可爲辭皆万倍於他犁之苦痛不
可極佛言十八泥犁人所犯以事善惡輕重
入犁經

佛言十八泥犁鳳凰龍下至小虫凡十八泥

犁人行善多行惡少出泥犁疾行惡多行善
少出泥犁遲

佛言是安得鬼守十八泥犁居處冥佛始生
時天上天下上至三十二天其十八泥犁皆
明佛始得道時復一明佛朝梵時復一明佛
始行道教授天下復一明佛般泥洹日復一

明上至三十二天盡明以知佛道不可不知
人爲善多者上天爲惡多者入泥犁若爲畜
生知佛道不死小人必長生但數聞佛道而
不與生不近善人不聞善事當離憂患其笑
佛道入泥犁中深佛故非之人爲惡喜罵詈
惡口至老不亡天神惡之使爲禽獸畜生血
氣虫獸子孫用正臘上家
佛言人不爲善去人類爲虫畜生家上與鬼
是安得鬼食乎
佛言人爲善上天後復生爲人形

佛說地獄衆生相害十八泥犁經

佛說法受塵經

後漢沙門安世高譯

聞如是一時佛遊於舍衛國祇樹給孤獨園
佛告諸比丘比丘受教從佛而聽佛言比丘
凡人爲一法受塵自汙迷惑憂愁沒無端際
吾見其不得無上吉祥之道如丈夫欲見女
子色是以好色之士爲染爲醉爲貪爲汙爲
惑爲著爲住爲受從姪女言故長久趨走往
來爲受勤苦耳常欲聞姪女之聲鼻欲聞其
香舌欲得其味身欲更其細滑是以長久趨
走往來受苦是故不當爲女色聲香味細滑

所染惑也當覺知是又復諸比丘凡人為法
受塵自汙迷惑憂愁沒而無際吾見其不得
無上吉祥之道如姪女欲見男子好色之女
為染為醉為貪為汙為惑為著為住為受當
為士色故長久趨走往來受苦耳常欲聞男
子之聲鼻欲聞其香舌欲得其味身欲更其
細滑是以長久趨走往來受苦是故不當為
士色聲香味細滑所染惑也當覺知是佛說
是已皆歡喜受行

佛說法受塵經六

出家緣經

無

隆赫上許六中友寐寢上眉二反驚悸下瓊貪

饕鐵下音伺相寺財賄每下呼馳聘領下丑背叛音下

恍忽下音頑贖恠下吾肅宿音

阿含正行經

脆取歲土塊下傾搆反古候遮庭同二

十八泥犁經

侮武音榜笞上步庚反椎直追倅略上七壓音

肌飢音焯音酌蟲音虫哈上正作蟲冥莫經

弩乃古嬰痛盈上一其靡下恐是礎吾對斛

胡谷沉莫朗上胡膈郎荅豕反知勇藉才夜亦

區上浦下必浦反

